



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 44. Calvinus Villagagnonis expeditioni consentiens.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

eo quod Dominum Deum peccati Authorem esse traderet: unde rursus suam ^{Sæcul. XV. C. 1555.} causam coram Bernensi Senatu agere cogebatur, qui tamen hac in re sententiam ferre tergiversabatur.

§. XLIV.

Calvinus Villagagnonii expeditioni consentiens.

Accidit etiam ferme sub idem tempus, ^{Thuan. l. 16. n. 9.} quod Calvinus hæresiarcha semper ampliandæ suæ sectæ percupidus temeritati applauderet Nicolai Durandi Villagagnonii Melitensis Equitis, qui Calvinii errores in Americam extendere moliebatur. Erat is in Briana Provincia ex pervetusto genere natus, ac corporis habitudine inter ævi sui juvenes facile princeps, nec vulgaribus literis eruditus, atque animi fortitudine celeberrimis suæ ætatis Belliducibus haud impar. Præclara etiam bellicæ virtutis suæ specimina ediderat in Algeriana obsidione, ubi Cæsaris stipendia merens vulneratus fuit. Nec minori etiam laude secundum ab Architalasso locum tenens in maritimis expeditionibus ad oram maritimam sub Gallorum vexillis dimicabat: hic ergo gloriæ cupiditate inflatus, aut forte corradendis divitiis intentus Colignii Architalassi opera a Rege impetraverat, ut sibi classem adornare,

Sæcul. XVI
A.C. 1555.

nare, & sub Henrici II. auspiciis in novum orbem Gallica signa inferre liceret: Regi enim insinuabat, quod per ejusmodi expeditionem Gallici nominis gloria extenderetur, simulque hostium vires distrahi, ac debilitari possent, eo quod illi ingentes ex secura harum Regionum possessione opes in belli usus corraderent. His addebat, quod facile restituta Americanis libertate commune omnium, ac publicum ibi statui posset commercium, quod tamen hucusque Hispani, cum hisce populis jugum haud ultra tolerandum imponerent, sibi solis arrogassent.

§. XLV.

Hujus Equitis consilia de Calvinii erroribus in Americam invendendis.

*Crepin. Act.
dy Marty.
Bez. hist.
Eccl. 1. 2.
Spond. ad
hunc ann.
n. 16.*

Verum Villagagnonus longe alia in suo animo fovebat consilia; clam enim cum Colinio maris Præfecto rem agebat; hic vero occulte favebat sectæ Helvetiorum, proin etiam Genevensium hæresi, cujus Sectatores quam plurimi jamjam in Galliis morabantur. Huic itaque Præfecto Eques spem fecerat, quod occupatis hisce regionibus Calvinii doctrinam propagaturus esset, ut Protestantes, si eo confugere vellent, tutum
ibidem